


Supervizor prenosi ovlast za raspolaganje javnom imovinom na institucije Brčko Distrikta



Supervizor za Brčko dr Raffi Gregorian donio je danas Nalog supervizora kojim se ovlast za raspolaganje javnom imovinom prenosi na nadležne institucije Brčko Distrikta i stavljaju van snage uvjeti za davanje odobrenja za raspolaganje koji su utvrđeni u nalogu supervizora od 22. veljače 2005. godine.

Supervizor uvažava značajan napredak koji je ostvaren u upravljanju i raspolaganju javnom imovinom i uvjeren je da su institucije Brčko Distrikta sposobne da samostalno, u sklopu postojećeg pravnog okvira i bez izravnog nadzora, rješavaju rutinska pitanja koja se tiču raspolaganja javnom imovinom. Međutim, supervizor zadržava pravo da intervenira u slučaju da procijeni da raspolaganje javnom imovinom može ugroziti multietnički karakter, demokratsku upravu, javni red i mir ili stabilnost Distrikta.

«Ovaj prijenos ovlasti je jedna od posljedica usvajanja Amandmana I na Ustav Bosne i Hercegovine od strane Parlamentarne skupštine kojim se omogućava da supervizor preduzme mjere koje će pomoći okončanju provedbe Konačne odluke» rekao je supervizor. Na osnovu ovog naloga supervizor očekuje od institucija Distrikta da preuzmu još veću odgovornost za ovlasti i dužnosti koje su im povjerene

sukladno Statutu, zakonima i propisima Distrikta kako bi moglo da bude ocijenjeno da Distrikt funkcioniра «efikasno i po svemu sudeći trajno».